



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_153

Տուգանք նշանակելու մասին

17.05.2023թ.

ք. Երևան

Քննելով տեսչական մարմնի կողմից 2023թ. մարտի 17-ի N 142-Ա հրամանով

«ԱՐՄԵՆ ԲԱԼՅԱՆ» Ա/Ձ-ում /ՀՎՀՀ՝ 46425687/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 142-Ա կազմված 03.05.2023թ., խախտումների մասին 30.03.2023թ. արձանագրությունը և այլ նյութերը), որոնցով բացահայտվել է որ՝ Ա/Ձ-ն զբաղվում է ավտոգազալիցքավորման ճնշակայանի (ԱԳԼՃԿ) շահագործմամբ ՀՀ Արարատի մարզ, գ. Արարատ Վեդու խճ. 1 հասցեում: Ստուգումն իրականացվել է «Ավտոգազալցակայանների շահագործման տեխնիկական անվտանգության կանոնների ստուգման վերաբերյալ» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ օրենսդրական չափագիտական հսկողության չափման միջոցը՝ 2 հատ ավտոգազալիցքավորման բաշխիչ աշտարակները՝ յուրաքանչյուրը 2-ական ճկափողերով, 06.05.2022թ.-ից առ ստուգման պահը շահագործվել են առանց ստուգաչափման:

Փաստացի խախտվել է՝ «Չափումների միասնականության մասին» ՀՀ օրենքի 16-րդ հոդվածի 1-ին մասի պահանջը:

Նշված իրավախախտման համար պատասխանատու է՝

Արմեն Ավետիսի Բալյանը

իրավախախտողի անունը, ազգանունը, պաշտոնը

ՀՀ Արարատի մարզ, ք. Արարատ Չարենցի 2, բն.26

մշտական բնակավայրը և հասցեն

Իրավախախտում կատարած անձը «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցվել է ՀՀ Շուկայի վերահսկողության տեսչական մարմնում 17.05.2023թ.-ին ժամը 11:00-ին կայանալիք վարչական գործի քննության տեղի, օրվա, ժամանակի մասին, սակայն չի ներկայացել և գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի

նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Արմեն Ավետիսի Բալյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 44-րդ մասով նախատեսված պատասխանատվության միջոցը, սահմանել տուգանք 512 415 /հինգ հարյուր տասներկու հազար չորս հարյուր տասնհինգ/ ՀՀ դրամի չափով:

2. Տուգանքը պետք է վճարվի Պետական բյուջե 900005024014 հ/հ:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈԼՅԱՆ